

6D020600 – Дінтану мамандығы бойынша

Аманқұл Темур Оралбайұлы

философия докторы (PhD) ғылыми дәрежесін

алуды үшін диссертациясына

АННОТАЦИЯ

Кеңестік дәуірдегі Қазақстандағы ислам 1920-1950 жылдар

Тақырыптың өзектілігі. Тәуелсіздік алғаннан кейін, Қазақстан Республикасы діни салада кеңестік заманнан мұраланған идеологиялық ұстанымдардан арылып, азаматтардың діни наным-сенім және ар-ождан бостандығын қамтамасыз етуге бағытталған жүйелі қадамдарды жүзеге асырды. Кеңестік атеизм мен діни бостандықтарға катысты формализмнен арылу діннің қоғамдағы өзіне тән қызметтері мен рөлін қалпына келтірге мүмкіндік берді. Дін ұлттық-этникалық бірегейліктің, руханилық пен дәстүрді сактаудың маңызды элементі ретінде қарастырылды. Сондыктan еліміз бен халқымыздың қазіргі тарихындағы исламның рөлі мен орнын айқындаудың маңызы артуда.

Сонымен қатар қазіргі Қазақстандағы әлеуметтік-саяси өмірдің күрделі мәселелерінің бірі – мемлекет пен дін арасындағы қатынастардың үйлесімді моделін қалыптастыру. Кеңестік кезең саяси күш пен қатаң идеология арқылы халықтың өміріндегі санғасырлық тарихы бар діни дүниетанымды түп тамырымен жою мүмкін емес екенін анғартты. Қазіргі уақытта әлемнің көптеген елдеріндегі мемлекет пен діннің арақатынасын реттеудің тиімді тәсілі – зайырлық принципі дін мен оның институттарының қоғам мен адам өміріндегі орнын айқындауға мүмкіндік берді. КСРО жылдарындағы коммунистік биліктің идеологиялық диктатынан босаған ислам діні қазақстан қоғамының рухани жаңғыруының бір қайнарына айналды. Алайда, тәуелсіздік жылдарындағы қоғамның идеологиялансыздануы, мемлекеттің идеологиялық бейтараптылық принциптері біркатор мәселелердің бетін ашты. Діннің қоғамдық интеграцияда маңызды рөл атқаратынына көптеген дін әлеуметтанушылары назар аударған болатын. Тәуелсіздік жылдарында еліміздің рухани өмірінде орын алған осы идеологиялық вакуумды түрлі мұдделердің көздеген ағымдар мен бағыттар халқымыздың діни-рухани ұстанымдарына жат идеялармен толтыруға талпынды. Бұл қазақ қоғамының тұтастығы мен ауызбіршілігіне үлкен қауіп төндірді.

Диссертациялық зерттеу белгіленген кезеңдегі еліміздегі исламның жағдайын мұрагаттық деректерге сүйене отырып, кешенді зерттеу кеңес билігінің дінімізге келтірген залалдарын анықтаумен қатар, исламның қазақ қоғамына берген өзіндік бірегейлігін, әлеуметтік ынтымактығы мен рухани сабактастығын сактап калудағы ролін және тетіктерін ашуды да камтиды.

Алайда, кеңестік кезіндегі тарихи материализмнің теориялық принциптері мен практикалық ұстанымдары Қазақстандағы исламның тарихын объективті әрі толықтай зерттеуге мүмкіндік бермеді. Дінді көп аспектілі, күрделі құбылыс ретінде зерттейтін дінтану ғылыми өзінің зерттеу объективі туралы объективті білімдерге қол жеткізуге талынаады. Сондыктан өткен гасырдың 20-50 жылдарындағы исламның қазак қоғамындағы жағдайына қатысты деректер ғылыми білімнің объективтілігін қамтамасыз етеді деп ойлаймыз. Себебі, дәл осы жылдары кеңес үкіметінің дінге, оның ішінде исламға қатысты саясатының, идеологиялық және заңнамалық негіздері қалыптасты және жергілікті биліктің дінге қатысты репрессиялық әрекеттері осы заңнамалық нормалар мен идеологиялық дерективаларға негізделді. Сонымен қатар, осы жылдардағы исламға қатысты жүргізілген айрықша репрессивті саясаттың салдары қазақ халқының діни санаына, өзіндік этностық болмысы мен қазіргі таңдағы ұлттық бірегейлігін кайта қарастыруында аса маңызды және негізін қалыптастыруши кезең болды. Большевиктік, соナン соң тоталитарлық жүйенің исламға деген ұстанымдары саяси-экономикалық және халықаралық жағдайларға байланысты өзгеріп тұрды. Диссертациялық зерттеу көрсеткендегі, большевиктік билік казан төңкерісінен кейінгі жылдары исламға қатысты секуляярлы ұстанымды басшылыққа алғанымен, кейбір жағдайларда мұсылман халықтарды революцияшыл күштер қатарына тартуға әрекеттенді. Осының айқын бір мысалы “исламдық социализм” идеясы. Алайда, 1922 жылы КСРО-ның құрылуына және бұл идеяның бұқара халық тарапынан қолдау таппағанына байланысты, “озбыр атеизм” саясаты қарқынды жүзеге аса бастады. Ал екінші дүниежүзілік соғыстан кейін 1945 жылы БҰҰ жарғысы мен 1948 жылы “Адам құқықтарының жалпыға бірдей декларациясының қабылдануы” кеңес үкіметінің дін саласындағы саясатының өзгеруіне де өз ықпалын тигізді. Бұл жайында әлі де егжей-тегжейлі ғылыми-зерттеу жұмысы жүргізілмеген десек те болады. Себебі 2007 жылға дейін КСРО кезіндегі Қазақстандағы исламға байланысты мұрағат құжаттары ғылыми айналымнан қағыс қалып келді.

Сонымен қатар, кеңестік Қазақстандағы ұжымдастыру мен ашаршылықтың орын алуындағы уақыптық жерлердің конфискациялануы, идеологиялық қыспаққа қарамастан халықтың діни сенімі мен дәстүрін сактауға зор үлес қосқан дін қайраткерлерінің қызметі де әлі толық зерттеле койған жок. Осыған байланысты Н.Ә.Назарбаев өзінің «Ұлы даланың жеті қыры» атты макаласында «Қазақстан тарихы да жеке жүрнектарымен емес, тұастай калпында қазіргі заманауи ғылым тұргысынан қараганда түсінікті болуға тиіс» деген ой түйіп, «Архив – 2025» жеті жылдық бағдарламасының қабылдануына бастамашысы болды. Біз кеңес билік органдары мен аймактардағы мұсылман жамағаттарымен қарым-қатынасын нақты құжаттар мен деректер негізінде зерттей отырып, сол уақыттағы діни ахуалға объективті көзқарасты қалыптастыруға күш салдық.

Казіргі уақытта мемлекет пен ислам конфессиялары арасындағы қарым-қатынастардың тиісті үлгісін қалыптастыру – қазақстандық ғана емес,

әлемдік мемлекеттердің де саяси күн тәртібіндегі өзекті мәселелердің бірі. Қазақстанға қатысты айтар болсақ, кеңестік кезеңдегі мемлекеттік-исламдық қатынастардың өзіндік ерекшеліктері мен іргелі принциптерін, трансформациялануының алғышарттары мен себептерін аныктап, оларға объективті бага бермей тұрып қазіргі таңдағы исламның қоғамдық үдерістеріндегі рөлі мен даму тенденцияларын дұрыс бағалау және ынтымақтастықтың қолайлы тұжырымдамасын дамыту өте қын. Сондықтан кеңестік мемлекеттің Қазақстандағы діни саясатымен катар, билік құрылымдарының жергілікті мұсылман ұйымдарымен қарым-катынасын тарихи аспектіде зерделеудің қажеттілігі күмән тудырмайды.

Диссертациялық зерттеуге арқау болған кезеңдегі қазақ қоғамындағы діни-рухани ахуалды кең ауқымды ғылыми парадигма аясында саралап, халқымыздың діни өміріндегі «ақтандактарды» ашу теориялық таным көкжиегін кеңейтіп қана қоймай, секулярлы және атеистік квазикұндылықтардың үстемдігі жағдайында діннің әлеуметтік ортада сақталуының латентті тетіктерін концептуалды талдауға мүмкіндік береді. Осы тұрғыда диссертациялық зерттеу жұмысы елімізде жүзеге асырылып жатқан «Рухани жаңғыру» мемлекеттік бағдарламасының мазмұнымен үндес келеді.

Жұмыстың мақсаты мен міндеттері. Зерттеудің мақсаты – 1920-1950 жылдардағы Қазақстандағы ресми биліктің исламға қатысты ұстанған діни саясатының кезеңдік ерекшеліктерін анықтау және тұрмыстық исламның қоғамның рухани негіздері мен құндылықтарын сақтаудағы рөлін дәйектеу. Осы мақсатқа қол жеткізу төмендегі міндеттерді жүзеге асыруды қамтиды:

- 1920-1950 жылдардағы кеңес үкіметінің дін саясатындағы, соның ішінде Қазақстандағы саясатының, хронологиялық кезеңдерін аныктап, талдау және олардың өзіндік ерешеліктерін ашу;

- кеңес үкіметінің 20-ыншы жылдардағы дін бостандығына қатысты ұстанымдарын талдау арқылы “озбыр атеизм” идеологиясының қалыптасуы мен жүзеге асуының алғышарттарын, факторлары мен салдарларын анықтау;

- дінді реакцияшыл қоғамдық құбылыс ретінде жоюға бағытталған кеңестік саясаттың идеологиялық және әлеуметтік-экономикалық аспектілерінің арақатынасын талдау, 1929-1931 жылдар аралығында Қазақстанның тұрлі аймактарында толқулар мен аштықтың орын алуындағы уақыттық жерлердің тәркіленуі мен дін қызметкерлерін әлеуметтік страт ретінде жоюдың экономикалық жолдарын көрсету мен салдарларын тұжырымдау;

- Қазақстандағы діни ұйымдар мен жекеленген дін қайраткерлерінің исламның дүниетанымдық негіздері мен құндылықтарын, моральдік-этикалық ұстанымдарын сақтау мен болашақ ұрпаққа жеткізудегі рөлін талдау;

- мұрағаттық деректер мен құжаттар негізінде кеңестік биліктің Ұлы Отан соғысы және одан кейінгі уақыттардағы дін саласындағы саясатына ықпал еткен факторларды анықтау;

- ресми атеистік идеология мен секуляярлық қоғам жағдайындағы исламның қоғамдағы орны мен әлеуметтік қызметтерін айқындау, тұрмыстық діни сана формаларына талдау жасау.

Жұмыстың ғылыми жақалығы. Диссертациялық зерттеудің ғылыми жақалығы кең ауқымды мұрагаттық деректер негізінде аталған кезеңдегі еліміздегі исламның қоғамдық санадағы трансформациялары мен беталыстарын анықтаумен, сипаттаумен және теориялық тұжырымдаумен байланысты болды. Зерттеу барысында мәселені анықтау мен шешімін табуда өзіндік ерекшелігімен сипатталатын төмендегідей ғылыми жақалықтарға қол жеткізілді:

- Бұрын белгісіз болып келген мұрагаттық деректер мен мәліметтер ғылыми айналымға енгізіліп, дінтану ғылымының жаңа концептуалдық - теориялық аясы кеңейтілді;
- 1920-1950 жылдардағы кеңестік биліктің Қазақстандағы дінге, соның ішінде исламға қатысты ұстанған саясатының хронологиялық кезеңдері мен олардың сипаттары айқындалды;
- Кеңес үкіметінің ислам дінінің қоғамдық санадағы көріністерімен күресінің саяси-идеологиялық және әлеуметтік-экономикалық аспектілері анықталып, талданды. Уақыптық жерлерді тәркілеу мен дін қызметкерлерін бейтараптандырудың еліміздегі діни дәстүр мен санаға ықпалы айқындалды;
- 1940-1950 жылдардағы кеңестік биліктің ислам дініне және исламның діни құрлымдарына қатысты ұстанымының өзгеруіне ықпал еткен ішкі саяси және халықаралық факторлар талданып, олардың діни өмірдің қайта жандануындағы рөлі айқындалды;
- Кеңестік дәуірдегі дін қайраткерлерінің, ишандары мен ахундарының имам-молдаларының исламның діни дүниетанымдық қайнарлары мен құндылықты негіздерін сактау мен сабактастырудығы рөлі мен қызметтері зерделенді;
- Ислам дінінің қазақ халқының құнделікті тұрмыстық өміріндегі, салт-дәстүрі мен рәсімдеріндегі көріністері талданып, тұрмыстық исламның латентті діндарлық формасы мен діни әлеуметтенудегі рөлі айшықталды.

Зерттеу пәні. 1920-1950 жылдары Қазақстандағы исламның тарихы мен орнын, ұлттық болмысты қорғаудағы рөлін жан-жақты зерделеп, оған объективті тұрғыдан баға беру, көпшілікке беймәлім деректерді ғылыми айналымға енгізу.

Ғылыми жұмыстың теориялық және практикалық маңызы.

Диссертациялық зерттеу жұмысы жиырмасыншығасырдың бірінші жартысындағы Қазақстандағы исламның жағдайы және мемлекет пен ислам институттарының қарым-қатынасының тарихи эволюциясын түсінуге мүмкіндік береді. Идеологиялық парадигма сипатындағы атеизмнің концептуальдық мазмұны мен тұрмыстық ислам ұғымының категориялдық мәнін аша отырып, дінтану ғылымының теориялық-методологиялық корын кеңейтуге ықпал етеді.

Зерттеу нәтижелері еліміздегі қазіргі заманғы ислам тарихындағы актанлактардың орнын толтырып, рухани жаңғыру бағдарламасының жүзеге

асуына өз үлесін қосады. Әртүрлі тарихи-мәдени және саяси-әлеуметтік жағдайлардагы исламның интеграциялық, аксиологиялық және мәдени трансляциялық қызметтерін айқындау еліміздегі діни бірегейлікті нығайту мен конфессиялар арасындағы ынтымақтастықты жетілдіруге де ықпал етеді. Диссертация материалдары сліміздегі ислам тарихы, дінтану, мемлекетдінаралық қатынастар пәндерін оқытуда қолданыла алады.

Корғауға ұсынылған ғылыми тұжырымдар.

Біз корғауға ұсынылатын келесі ғылыми тұжырымдарды жасадық:

1. Қазақстандағы кеңес билігінің исламга қатысты саясатын үш негізгі кезеңге бөліп қарастыруға болады. Біріншісі 1920-1925 жылдар аралығын қамтиды. Бұл кезеңдегі діни саясат 1917 жылдың қарашасындағы “Ресей халықтары құқықтарының Декларациясы”, 1917 жылдың 20-қарашасындағы большевиктердің “Ресей мен Шығыс еңбекші мұсылмандарына Жолдауы” және 1918 жылдың 23-қаңтарындағы Халық комиссарлары Кенесінің “Мемлекеттің діннен және мектептің шіркеуден ажыратылуы” туралы жарлығы аясында жүзеге асты. Бұл кезеңде жас кеңес билігі мен дін қатынасы классикалық секуляризм принциптеріне негізделді. Билік діни өмірдің ағымына етene араласпады, жаңа мешіттердің салынуына қарсылық білдірмей, бейтарап позиция ұстанды.

2. 1922 жылы желтоқсанда КСРО-ның құрылуымен кеңестік билік пен діни институттар арасындағы қарым-қатынас антагонистік сипат алды. Ортақ коммунистік идеологияның негізінде жаңа кеңес халқының қауымдастырын құруға бағыт алған кеңес билігі дінді ескі эксплуататорлық құрылыштың сарқыншағы ретінде жою саясатын іске қосады. Бұл кезең “озбыр атеистік” идеология мен уақыптық жерлер мен мұлікті тәркілеу және дін қызметкерлерін экономикалық мәжбүрлеу арқылы діни қызметтен бастартуға көндірумен, көнбекендерді қatal репрессиялау арқылы сипатталады. Қазақстанда 1920 жылдардың соңына қарай саяси практикаға енгізілген бұл саясат 1940-жылдардың басына дейін жалғасты.

3. 1940-1950 жылдардағы КСРО-дағы ислам дініне қатысты ұстанымдарының өзгеруіне ішкі және сыртқы саяси факторлар ықпал етті. Ішкі саяси факторлар Орталық Азия мұсылмандары діни басқармасының құрылуына себеп болды. Осы жылдары Қазақстан қазияты да халықты майдан қажеттіліктерін өтеуге жұмылдыруда және рухани-психологиялық колдауда қажырлы еңбек етті. КСРО-ның БҰҰ-ның қатарына кіруі және 1948 жылы “Адам құқықтарының Жалпыға бірдей адам құқықтарының” Декларациясының кабылдануы еліміздегі дін саласындағы саясаттың белгілі бір деңгейде либерализациялануына ықпал етті.

4. Кеңес үкіметі діни өмірдің қайта жаңғыруына мүмкіндік берген бірқатар қадамдарға барғанымен, атеистік идеология кеңінен насиҳатталып, білім берудің барлық сатыларын қамтыды. Дегенмен, отбасылық тәрбиеде ислам құндылықтары басым болды. Бұл криптоіндарлықтың немесе діндарлықтың латентті формаларының қалыптасуына ықпал етті.

5. “Озбыр атеизмнің” ұstemдік стуі Қазақстандағы ислами білім беруге орасан зор зиян келтірді, бірак тұпкілікті жойып жібере алмады.

Қазақстандағы медреселер жаппай жабылғанымен, Орталық Азия діни баскармасына қарасты ислам білім беру орталықтарында білім алу мүмкіндіктері сақталды. Көршілес Озбекстаниң медреселерінде білім алған қазақ азаматтары діннің ақидалық, фықітық негіздері бойынша білім алған, ел арасында ислами білімнің сабактастығын қамтамасыз етті.

6. Кеңестік идеологиялық қысым қоғамдық сананың ресми деңгейлерін қамтығанымен, күнделікті-тұрмыстық деңгейдегі халық санасы ислам дәстүрлерінен ажырамады, исламның шариги және дүниетанымдық-құндылықтың элементтері салт-дәстүрлер мен рәсім-рәміздерде көрініс беріп отырды.

Ғылыми жұмыстың нәтижелерінің жариялануы және сыннан өтуі. Диссертацияның ғылыми зерттеулері мен кейбір ғылыми тұжырымдары халықаралық, республикалық ғылыми теориялық және ғылыми-практикалық конференциялар мен семинарларда сыннан өтті. Шетелдік және Қазақстан Республикасы Білім және ғылым министрлігі бекіткен ғылыми баспаларда жарық көрді. Жалпы ғылыми мақалалар саны – 11. Оның ішінде Қазақстан Республикасы Білім және ғылым министрлігінің талаптарына сәйкес Білім және ғылым саласындағы бақылау комитетінің отандық ғылыми басылымдарда жарияланғаны – 3. Нөлдік емес импакт-факторы бар SCOPUS базасына тіркелген шетел журналында жарияланған мақалалар – 1. Шетелдің халықаралық ғылыми конференциясында жарияланған мақалалар – 1. Қазақстанда өткен халықаралық ғылыми-практикалық конференция материалдары жинағында жарық көрген мақалалар – 5. Диссертация Нұр-Мұбарак университетінің «Дінтану» кафедрасында талқыланып, қорғауға ұсынылды.

Ғылыми жұмыстың құрылымы. Диссертациялық жұмыс қысқартулардан, кіріспеден, бірінші тарау үш бөлімнен, екінші тарау төрт бөлімнен, үшінші тарау екі бөлімнен, қорытындыдан және пайдаланылған әдебиеттер мен деректер тізімінен тұрады.